

Universitätsbibliothek Paderborn

Mirabilis Vita Venerabilis Virginis Marinæ De Escobar Vallisoletanæ

Deprompta ex ijs, quæ ipsamet jussu Patrum suorum Spiritualium
consignavit

Vitæ Venerabilis Virginis Marinæ De Escobar. Pars Prima

Puente, Luis de la

Pragæ, 1672

Cap. 14. De prodigioso modo, quo pars superior Animæ ipsius diu mansit
in cœlo, perfruens Deo, sine imminutione doloris, quem patiebatur in
terra, déque rebus admirandis, quæ ei acciderunt, dum ...

urn:nbn:de:hbz:466:1-38580

CAPVT XIV.

De prodigioso modo, quo pars superior animæ ipsi
diu mansit in Cœlo, perfruens D E O, finè imminutione doloris, quem pa-
tiebatur in terra, déque rebus admirandis, quæ ei acciderunt, dum
videret dicta mysteria.

N præcedenti Revelatione,
& in quibusdam alijs fa-
cta fuit mentio cuiusdam
specialis gratiæ, quam Do-
minus præstítit sua famu-
la, ut spiritus ipsius, & pars
superior animæ aliquot diebus moraretur
continuè in cœlo, fruendo per contemplatio-
nem ac unionem Majestate D E I Trini ac U-
nius, ipsiusque Magnalibus, & bonis cœle-
stis glorie, remanente interim inferiori par-
te animæ cum suo corpore, quod patiebatur
terribiles cruciatus, quin unum impeditetur
ab altero, atque ita, ut superior conversatio-
cum D E O, non tolleret conversationem cum
hominibus, vel libertatem peragendi hic sua
bona opera, ad eum modum, quo in hac vita
mortali anima Christi Domini simul vide-
bat D E U M, & patiebatur magna tormenta
in Passione. Insuper, preter illam conti-
nuam commemorationem in cœlo, habebat alias
visiones & raptus, in quibus tota penitus ele-
vabatur, ad perfruendum illis supernis bo-
nis. Ex his gratijs modo recensēbimus quas-
dam magis prodigiosas.

§. I.

IN Decembri anni 1622. animadverte
inquit, ex quibusdam indicijs, quòd
mihi Dominus esset præstiturus aliquam
specialem gratiam, actum post unam ho-
ram audivi auribus animæ quandam cœ-
lestem musicam Angelorum, & multarum
animarum, egredientium ex cœlo, quas
omnes comitabantur Angeli disperiti in
Choros. Erat suavissima, dulcissima, ac
admirabilissima illorum musica, videban-
turque cœli penitus conflagrare amore
D E I, & laudibus, quas ad ejus gloriam de-
cantabant. Vidi deinde Majestatem.

D E I Nostri Domini Trini & Unius, &
sanctissimam Humanitatem JESU Chri-
sti nostri Servatoris, qui veniebat in specie
Regis ac D E I, & refulgens insignibus Re-
gijs ac Divinis cum magna Majestate, co-
mitante ipsum infinito numero Angelo-
rum, subsistentium interdum ac decan-
tantium eximias ejus laudes, in amplis &
pretiosis tentorijs. Descendebat lente per
quosdam veluti gradus planissimos, cum
magna gravitate. Dixi meis Dominis An-
gelis: Domini, dicant mihi, quid hoc erit?
Illi mihi responderunt: Magnus Rex, ac
D E U S noster Majestatis, venit ad invi-
sendam suam Sponsam. Auditu nomine
Sponsæ fui turbata, & afflicta, dixi: Mei
Domini, propter reverentiam D E I, non
dicant hoc, neque me ita compellent; ego
sum mancipium Domini, & serva, ac nun-
quam fui ausa me taliter nominare. Atli
dixerunt: Bene est. Descendebat Do-
minus, ferebaturque aliquid in suis brachijs,
quasi animam; vidi enim illam eminus:
& cum pervenisset ad medium viæ, subli-
tit Divina Majestas, ius sitque intermiti
musicam, & fieri silentium, atque attendi;
ac deinde dixit Angelis Custodibus ani-
marum unà venientibus: Angeli mei at-
tendite quād diligentissimè, quomodo
custodiatis homines; impendite isti cu-
stodie omnem solicitudinem & operam,
siquidem illos tantoperè æstimo, ut eos,
qui me ex animo amant, mihiq; serviant,
feram in meis brachijs & manibus, quem-
admodum ferri videtis hanc animam;
ideoque magni ipso facite, ista enim est
mea voluntas. Hoc dicto, Divina Maj-
estas est prosequuta suum descensum cum
ingenti gloria, atque dum magis accede-
ret, agnovi illam animam, quam ferebatur
in manibus & brachijs, esse meam, quebi
reman-

remanserat in cœlo aliquot diebus, sicut alias consueverat. Erat tanta gloria, cum qua veniebat Dominus, ut si, dum ad me veniebat, illam non obtexisset aliquantum, non fuisset possibile ipsam videre absque periculo vitæ. Postquam pervenisset ad meum cubiculum, intravit cum comitatu plurimorum Angelorum, & dixit mihi: *Creatura mea, quid agis? quomodo vales?* Ego respondi: *Domine mihi, hic jaceo in isto lecto, ubi à tua Majestate detineor, patiendo tui amore cum magno gusto, & quamlibetissime.* Dominus mihi respondit: *Surge Creatura mea, & confortare; aspice, quia in meis brachijs & manibus fero tuam animam, filiam tuam, & filiam meam.* Tuam, quia illam creavi in te, in hac natura: meam, quia te creavi, & sum tuus Conditor: atque sicut Mater gestat in suis brachijs infantem, qui prodij ex ipsis visceribus, ac in suo sinu mulcet, & foget, ac protegit, neque illius potest oblivisci, ita ego te gero in meis brachijs, & nihil in mundo te poterit à me separare, nec tu me derelinques, neque ego derelinquam te. Ad hoc respondi, dicens: *Domine mihi, credo verum esse, quod dicas: quantum est ex tua parte: sed quantum est in me, video metam miserabilem esse, peccatricem, ut ordinariè commitram mille defectus, qui me molestant & affligunt, quamvis non ut oportet. Dominus autem reposuit: Nè te reddant sollicitam hi defectus, de quibus loqueris, quia in meis oculis non sunt tales.* Id ego permitto ad tuum majus bonum, & gloriam meam, atque ut elicias hos actus doloris, & contritionis, eruasque hinc multa bona. *Nè te affligas, quia tua anima est in meis manibus, & nihil te separabit à me.* Nil hilominus, mi Domine, ajebam ego, me hic in me ipsa video obnoxiam meis passionibus, & subjectam miserijs ac lapisibus. Tum Dominus: *Tua anima, quoad partem superiorum, quæ est memoria, intellectus, & voluntas, manet apud me, & ego illam possideo: mecum manes, solumque tibi reliqui naturam cum suis potentijis inferioribus, & requisitis ad vitam humanam, quemadmodum vides, ac intelligis.* Fui

summè animata his Domini verbis, & Divina Majestas mihi dedit suam benedictionem, dixitque: *Vale; & abivit ad Cœlos cum magna Majestate, ac pompa, & solenni musicâ, ferens secum meam animam in suis brachijs. Ascendit paulatim, donec illum non viderem amplius.*

§. II.

Summus hujusmodi favor fuit anno sequenti (in Aprili 1623.) pridie Dominicæ Palmarum, quando mihi dixit Dominus ista verba Evangelij: *Soror, ecce ascendimus Jerosolymam, & consummabuntur omnia, que scripta sunt per Prophetas, de Filio hominis.* Affecerunt me hæc verba magna tristitudine ex una parte, ex altera vero mihi incusserunt aliquem metum, quia intelligebam mihi preparari hæc septimanâ sanctâ novos dolores, & molestias. Transfudi meam voluntatem in Divinam, rogando illum, ut fieret in me ipsius sanctissima voluntas. Deinde Dominicâ palmarum, dum agerem cum Divina Majestate, quasi unita cum ipsis sanctissimis vulneribus, videbatur mihi sine dubio prodire ex illis quedam Divina virtus, instar vaporis, penetrantis meam animam, per quem ipsi communicabatur virtus Sanguinis & Passionis JESU Christi Domini Nostri. Interea illi dixi: *Mi Domine, quid est mihi faciendum hac septimanâ?* Dominus mihi respondit: *Dicam tibi, veni mecum ad cœlestem Jerosolymam, & manebis ibi mecum totâ septimanâ.* Fui statim ducta ad illam cœlestem Patriam, quam ego jam bene novi, & postquam eò pervenissim, vidi beatitudinem, quâ fruuntur illius incolæ, ac magnum numerum sanctorum Angelorum. Confedi cum illis, quasi ad pedes, & subito mihi apparuit quidam Divinus Sol, qui erat secunda Persona Sanctissimæ Trinitatis, ac perstrinxit me suis Divinis radijs adeò, ut incenderer. Surrexi ex eo loco, & confedi ulterius; Sol autem ille me est insequutus, atque me subsistente subsistebat & ille, iterum me seriens suis Divinis radijs. Surrexi ac processi aliquanto ulterius, & conse-

confidi testio, in alio loco; eodemque modo Divinus Sol me est insequutus, & suis Divinis radijs potenter arripuit meam animam, ac reposuit in se ipso, mansiq; intra illum, & indè atq; illac transivi ad contemplanda magnalia DEI, quæ non possunt exprimi verbis, aut explicari. Quamvis autem ibi manserit mea anima, ego me hic sentio esse in meo angulo, ita ut modo convertere & loquar cum creaturis, pariterq; pars superior meæ animæ maneat in suo DEO, in celo: & clarissimè adverto ac intelligo istam veritatem, me, dum ibi deliciar, huc pati; nec vehementia meorum magnorum dolorum mihi obstat, quod minus delector; neque gloria impedit, quod minus patiar. Divina Majestas mihi explicuit tres illas stationes & progressiones significavisse, quod, quando mea anima videtur absens esse à Domino, tum Dominus me insequatur, quo sumque me conferam, neque à me recedat. Fuerunt porro tres vices ad significandum, quod omnes tres Personæ Sanctissimæ Trinitatis me protegant, mihi gratificantur.

§. III.

Postquam sic fuisse constituta intergrâ septimanâ sanctâ, sequenti Festo Paschatis manè (in Aprili anni 1623.) post toleratos, multis horis, maximos dolores, ut natura videtur deficere, & consci: vidi Dominum resuscitatum, & gloriosissimum, qui ferebat applicatum luo sacro pectori meum spiritum in specie parvæ animæ, quemadmodum hic pingi consuevit. Fui afflita, intelligens, quod me Dominus vellet hic relinquere, & dixi: Mi Domine, ergone me vis hic relinquere? Dominus autem mihi quam amantisimè respondit: Soror, noli affligi, quia te non deleram, volo tibi solummodo restituere tuam animam, quam mihi concrèdidisti, & manere tecum, sicut quando parentes filiam, cui bene volunt, dant suis consanguineis, ut ipsis gratificantur ad aliquot dies, verum ita, ut non deponant ipsius curam; ita ego tecum agam; non vero te derelinquam, neque tui curam de-

ponam. Ego nihilominus id sentiebam, sed conformabam me Divinæ voluntati. Dum Divina Majestas videret meam afflictionem, dixit: Fiat ergo quod vis, nolo te affligere, retinebo te, quoad fuerit mea voluntas, & sic remansi in pectore Domini.

Sequenti Vigiliâ Ascensionis (in Mayo anni 1623.) mihi dixerunt mei Domini: Veni, Anima, nobiscum, quia te debemus ducere ex mandato Domini ad locum, in quo est peractum hoc mysterium Ascensionis Divinæ ejus Majestatis. Ego respondi: Non possum, Domini mei, quia patior graves dolores, & crueiatus. At illi reponuerunt: Noli hac de re loqui, & veni nobiscum; sic enim jubet Dominus. Duxerunt me ad quandam campum planum, ubi erat lapis instar gradus, & subito secesserunt ex celo plurimi Angeli, iisque per elegantes, & jucundi, quos iisquebatur JESUS Christus Dominus noster, cum magna Majestate, qui ubi constitisset supra illum lapidem, dixit mihi: Bene veneris, Anima, es afflita, veni mecum, & recreaberis. Apprehenderunt me sancti Angeli, collocaverintque ad latus Domini, & ejus Majestas me suscepit, atque porrecti mihi quasi manu, susulit secum ad cœlestem patriam, usque ad locum, in quo superior pars meæ animæ pluribus diebus fruēbatur illis Divinis ac cœlestibus deliciis, & acsi esset aliquid à me distinctum, incepit loqui pars superior meæ animæ cum sua parte inferiore, dicendo: Bene veneris, locia mea, veni, fruēris bonis æternis, quibus ego fruor, siquidem mejuvisti, ut promererer, quod possideo. Mansi illuc modico tempore, & Dominus me texit quodam quasi velo nubis, atque ita tectam duxit ad conspectum Majestatis DEI Trini & Unius, quo sum diu fruēus, usque dum me Dominus tradidit meis Dominis, qui me deduxerunt ad meum angulum.

Istis diebus, adverto quam clarissimè & certissimè animam meam habere ingens gaudium, solatium & lætitiam, dum ab in cœlesti patria fruētur illis fortunatis bonis, & simul huc pati maximos dolores ze afflictiones, propter quas quodammodo multi

mihi ipsi eripior, & queror; quæ omnia
fiunt uno, eodemque tempore.

§. IV.

Post hoc in Vigilia sequentis Pentecostes (in Junio anni 1623.) mihi dixit Dominus: Soror, es afflicta, attolle oculos, & aspice hos cœlos materiales, ipsorumque stellas. Licet verò essem in meo cubiculo clausa, atque jacerem in lecto, vidi cœlum stellatum, sicut quando in hyeme valde coruscant stellæ, quod me affect solatio, & recreavit, quia illud à multis annis non videram. Deinde dixit Dominus: Aspice adhuc. Et vidi Spiritus beatos, qui habitant & morantur in cœlis, multò pulchriores ac splendidiores ipsis cœlis. Tum Dominus subiecit: Quilibet horum Sanctorum magis lucet, fulget ac splendet, quam multi Soles. Oblectavit me vehementer hoc spectatum, sed longè magis visio ipsius Domini, ex quo procedebant, veluti ex fonte, omnes illi splendores, & cuius clarâ visione iij Sancti erant felices ac beati. His omnibus fatis diu sum fruata.

Deinde ad me venerunt mei Domini Angeli, ac dixerunt: Anima, veni nobiscum, es enim afflicta, & nos tibi volumus præbere solatium, quod reperitur in hoc mundo: ducemus te ad quoddam mare, ubi exhilaraberis. Ego respondi: Non, Domini, quia submergar. Nequaquam submergeris, responderunt, præterquam in mari Divini Domini. Non, mei Domini, reposui, non desidero ullum solatium, quod reperitur in hoc mundo. Denique illi me apprehenderunt, ac duxerunt, imponentes me cuidam currui, quæ trahebant candidissima animalia ad vastissimum flumen, in quo natantes, incepserunt decantare Divinas laudes. Dicebam rursum: Non, mei Domini, relinquant ista, nolo enim ullum solatium, reducant me ad meum angulum. Durante istâ disceptatione, audiui in cœlo ingentem strepitum, sicut soleo, & vidi descendentes plurimos Angelos, totamque Beatissimam Trinitatem, peculiariter verò agnovi sa-

cratissimam Personam Spiritus sancti, qui ad me veniens univit me secum, duxitque ita unitam ad coelestem patriam, & currus disparuit. Postquam illuc pervenisse, fui constituta in quodam loco eminenti, & coeptra est magna quædam solennitas, quæ celebrabatur in cœlo in honorem totius Sanctissimæ Trinitatis, ac præsertim Spiritus sancti, eò quod esset ipsi dicatus dies. Resonuit ingens strepitus campanarum, & multi Angeli dispergebant per pavimentum illius cœli igneas linguis splendidissimas; alij parvas fulgidissimas cruces, alij jacabant stellas & soles ad eum modum, quo hic ejiciuntur ignes artefacti in solennitatibus Sanctorum. Post hoc instituta fuit suavissima & divinissima musica Angelorum, concinentium hymnos in laudem totius Sanctissimæ Trinitatis, & speciatim Spiritus sancti. Tota illa coelestis aula videbatur ardere igne ac Divinis splendoribus charitatis & amoris. Omnia denique collucebant, & ex illo Divino Domino DEO, Trino & Uno, prodijt quidam Sol, qui erat figura Spiritus sancti, emittebatque ex se multos radios, quos ad me dirigebat, feriendo me ipsis, & per illos, quasi intimè sumi ingressa in illum Divinum Solēm, ibique sui veluti oppressa à Majestate DEI, & submersa in ea magnificencia, ut non sciverim de me, fruerer tamen illo summo Bono, pro meo captu. Hæc res fatis diu duravit. Deinde dixit Dominus Angelis: Accipite Angeli mei, istam creaturam, & reducite illam ad ipsius angulum. Verum pars superior meæ animæ mansit ibi, & huc deducta fuit pars animæ necessaria ad vivendum & operandum, ac patendum.

§. V.

Poste in Festo Sanctissimæ Trinitatis (in Junio anni 1623.) mei sancti Angeli, iussu Domini, me duxerunt ad coelestem Jerosolymam, ad conspectum Majestatis DEI Trini & Unius, ibique me Dominus secum univit, sicut alias solet. Inde, postquam me dimisisset Dominus, fui ducta magis intro ad coelestem Aulam, fu-

itque

Rr

itque mihi ostensum quoddam amphitheatrum, habens altissimos gradus, definientes in quandam coronam, & hos gradus circumdabat universa multitudo Angelorum ac beatorum Spirituum, qui asperctu & contemplatione eorundem graduum & amphitheatri, quod erat ipsem D E U S, reddeabantur felices ac beati. Omnes fruebantur illo summo Bono secundum sua merita. Aliqui intuebantur primum gradum; alij duos gradus; alij quatuor, juxta suam capacitatem: atque ibi etiam erat pars superior meæ animæ, quæ suo quoq; modo fruebatur eá beatitudine. Dixitque Dominus: Anima, attolle oculos, & aspice. Hoc tempore, existimo nos fuisse simul meam animam, & meam naturam, seu partem superiorem & inferiorem meæ animæ, vidique talia D E I magnalia, ut fuerim mirata, & consternata. Iterum Dominus dixit: Expecta Anima, contemplare plura. Et vidi imminentem illi coronæ Solem splendidissimum, qui communicabat suum lumen & splendorem, ac virtutem omnibus illis gradibus & coronæ, quæ nihil erat aliud quam D E U S, sed per hunc Solem magis manifestabatur magnitudo ipsius D E I. Obstupui vehementius, quia vidi majores perfectiones, & res sublimiores D E I: verum semper mihi dicebatur: Amplius est, quam hoc, D E U S; amplius est. Rursum mihi Dominus dixit: Plura vide Anima; & conspexi supra Divinum Solem, quendam ignem fortem, comburentem, infinitum, qui accendebat totam illam aulam, atque hic agnovi majora D E I magnalia. Adhuc aspice, Anima, ajebat Dominus, & vidi quandam abyssum perfectionum, ipsumq; Divinum Est manifestius; ac tunc fui penitus absorpta, & mihi met erupta, non valens sufferre tantam D E I immensitatem, solum scivi dicere: Amplius est, quam hoc; amplius est, quam hoc. Ibi me detinui longo tempore, & fui reducta ad priorem locum, ubi erant gradus, per quos descendи, eo ordine, quo ascenderam. Pars superior meæ animæ quasi gratias egit parti inferiori, eò quod sibi præbuisset auxilium ad promerenda ea bona, & ipsa ibi rema-

nente, fui ducta à meis Dominis ad meum angulum.

§. VI.

IN sequenti Augusto (anno 1623.) dum quodam die agerem cum D E O, obvilit se meæ imaginationi quidam calix: cum autem ego patiar tantos dolores & crucatus in hoc lecto, atque calix significet aliquid passionis, repræsentaverit quidpiam tale, quod ego non curabam. Paucis abhinc horis, dum similiter agerem cum D E O, conspexi in meo cubiculo etiendum calicem, cuius pedem tenebant duo Angelicum magna reverentia, & alij multi Angeli ipsum circumabant. Duxi intram: Bona est mea imaginatio, quia appetociales. Et abstraxi me, quantum potui, ab hac visione, usquedum Dominus meadgit ad attendendum. Atque revera natura timuit, quia mihi videbatur immixta aliqua afflictio, & crux: verum Sanctus Angelus meus Custos me animavit, dixique: Noli timere, Soror, quia iste calix non erit, quod cogitas; sed adferet tibi sollatum. Subito mei Domini me elevarent in spiritu, & induerunt illis pretiosis vestibus, ut solent, duxerintque me ad conspectum Majestatis D E I Trini & Unius, ubi flexis genibus adoravi Divinam Majestatem; Angeli autem me suffererunt statim osculari pedem calicis, & labia cupæ, D E U S autem benedixit calicem magna cum gravitate & autoritate, dicendo certa verba, quæ ego non intellexi: & postquam accepisset Divina Majestas Spongia, imposuissetque in calicem, & imbuisset liquore, qui erat in illo instar sanguinis, expressit ipsum suprà meum caput, ita ut tota fuerim perfusa illo sanctissimo liquore, qui erat sanguis J E S U Christi Domini Nostri. Neque huc sistens Dominus, accepit calicem, ac dixit: Perfundenda es quam abundantissime, & evacuavit illum totum, perfuditque non tantum caput, sed & corpus. Completo hoc mysterio Divina Majestas ascendit ad cælum, remanente illa J E S U Christo Domino nostro, qui me induxit in cœlestem Jerosolymam, ad conspectum Beatissimæ Trinitatis. Mirabili-

tur vehementer illi beati spiritus, ut, quando me viderunt, dicerent: Quæ est ista, cui Dominus exhibet tantam gratiam? Dum venissem ad conspectū Divinæ Majestatis, procidi ad sanctissimos ipsius pedes, & indormivi somno spirituali ac Divino, ubi cognovi majora ac majora DEI magnalia, & secreta Divina, quæ nequit ulla lingua explicare. Interea venerunt mei Domini Angeli, & petierunt à DEO facultatem reducendi me ad meum angu-

lum, quia illis videbatur mea debilitas non sufficere pro tam diuturna & altissima contemplatione. Dominus autem ipsis respondit: Relinquite illam, needum enim est tempus. Reliquerunt me aliquamdiu, & petiverunt secundò licentiam, fuitque ijs idem dictum. Petierunt illam & tertio, Dominus verò ipsis dixit, ut abirent ad meum angulum, suam enim voluntatem Divinam esse, ut ibi remanerem, ubi e-ram.

CAPVT XV.

Quomodo illi DEUS ostenderit scalam valde arduam, quâ ascendebatur ad cœlestem Gloriam, mandaveritque, ut eam concenderet, manifestando illi bona cœlestia, & miseras Mundi.

Non sufficit nōsse immensas Glorie cœlestis bona, nisi sciantur etiam viae, quibus ad illam pervenitur, que ordinariè sunt persecutio-nes, tentationes, omnisque generis afflictiones, tolerante propter virtutem, & honorem DEI. Has vias DEUS generatim declinavit Venerabili Marina duabus similitudinibus, comparando illas modò pertingenti à terra ad cœlum, valde ardua ascensuque difficulti scala, etiam absq; onore: alias verò ascensi, cum pondere, gravib;que toleratu crucibus, quamvis per scalam commodam, & locum amanum; modò utrique simul, ut apparebit in sequenti-bus revelationibus. In hac ipsietiam manifesterat miseras mundi, ut magis eluce-ferent bona cœlestia.

§. I.

Quādam Vigiliâ Epiphaniæ (in Januario anni 1619.) mihi dixit Dominus: Marina, veni mecum, quò te ego du-cam; ac tum in momento, antequam ul-lum verbum respondissem, me reperi jux-ta primum gradum cuiusdam admirabilis scalaræ, pertingentis à terra ad cœlum: cu-

jus initium erat latius, finis verò angustissi-mus. Habebat gradus materiæ & coloris cœlestis, eratque illius ascensus vehementer arduus ac difficilis. Subito mihi Dominus, qui à me quām longissimè distabat, dixit cum imperio: Marina, concende hanc scalam, & esto bono animo. Fui modi-cum turbata, eò quòd mihi existimarem deesse vires naturæ pro eo ascensi, quem valde metuebam, ideoque respondi: Mi Domine, non possum ascendere absque tuo singulari auxilio, sum enim debilis ac miserabilis, & magnopere timeo. Con-scende, Anima (dixit Dominus) esto bono animo, & noli timere. Hoc auditio, in-cepi concendere gradus illius scalaræ, sed tam lente, & cum tanta difficultate ac mo-lestia, ut mihi videretur impossibile, sursum pervenire. Dominus autem aliquantum inde remotus, sèpè dicebat cum im-perio & majestate: Age tandem Anima, quod agis, concende, & confortare, nè timeas. Quocirca concendebam cum magno labore, ac timoribus, quantoque magis progrediebar, tanto magis timebā. Perveni denique ad finem scalarum, ubi statim Dominus dixit, sicut anteā: Anima, pulsa hanc portam. Licet autem ego illam non viderem, sed solum cœlum, pu-tarem-